

18/03/1999

Dr M buat lawatan ke Johor

JOHOR BAHRU, Rabu - Perdana Menteri, Datuk Seri Dr Mahathir Mohamad akan membuat lawatan kerja selama dua hari ke Johor selain sesi bertemu bersama rakyat mulai 25 Mac ini.

Kunjungan Dr Mahathir adalah sebahagian program menjelajah ke seluruh negara bagi menerangkan lebih jelas mengenai perkembangan semasa pembangunan, ekonomi dan politik.

Dijangkakan Perdana Menteri akan menghadiri majlis perjumpaan tertutup dengan ahli jawatankuasa Perhubungan Umno Johor serta majlis bersama rakyat di padang Sekolah Kebangsaan Felda Pengeli Timur, Kota Tinggi di hari pertama lawatannya.

Hari kedua lawatan, Dr Mahathir dijadualkan merasmikan projek perumahan kos rendah dan kos sederhana rendah Kota Masai sebelum merasmikan majlis pecah tanah tapak kilang Titan, diikuti bersembahyang Jumaat bersama penduduk di Kampung Kopok Baru, Pasir Gudang.

(END)